

BOSNA I HERCEGOVINA
Federacija Bosne i Hercegovine
TUZLANSKI KANTON
Kantonalno pravobranilaštvo Tuzla

Broj: Kp. 2/25
Tuzla, 28.01.2025. godine

Na osnovu člana 71., 72., 76. i 91. Zakona o državnoj službi u Tuzlanskom kantonu ("Službene novine TK", broj: 7/17, 10/17, 10/18, 14/18, 8/21, 10/22 i 14/22), člana 20. stav 1. Zakona o pravobranilaštvu ("Službene novine Tuzlanskog kantona", broj: 4/04, 5/08 i 2/14 i 4/18) i člana 9. tačka 5. i 7., člana 10., 11. i 12. Pravilnika o unutrašnjoj organizaciji Kantonalnog pravobranilaštva u Tuzli broj: Kp. 255/18 od 20.11.2018. godine i od 02.08.2019. godine, kantonalni pravobranilac, dana 28.01.2025. godine, objavljuje:

INTERNI OGLAS

za prijem u radni odnos namještenika na neodređeno vrijeme, na poslove i zadatke:

- Viši referent za računovodstveno – materijalne poslove – 1 izvršilac

a) Opis poslova radnog mjesta:

- priprema podatke potrebne za izradu godišnjeg finansijskog plana i operativnog mjesečnog plana po vrstama izdataka,
- vrši blagajničko poslovanje i vodi propisane evidencije o tome,
- priprema plan godišnje nabavke, zahtjeve za nabavku – narudžbenice, vrši obradu prispjelih faktura, sačinjava i grupiše naloge za knjiženje,
- vodi pomoćne knjige,
- priprema i dostavlja dokumentaciju u nadležno ministarstvo kao i obavlja sve vidove komunikacije s tim u vezi,
- vodi knjige evidencije stalnih sredstava i sitnog inventara, obavlja i druge poslove po nalogu pravobranioaca i sekretara Pravobranilaštva.

b) Uslovi za obavljanje poslova:

ekonomska škola – IV stepen stručne spreme, položen stručni ispit za namještenike u organima državne službe, poznavanje rada na računaru i najmanje 10 mjeseci radnog staža na istim ili sličnim poslovima.

c) Pored navedenih posebnih uslova, kandidat mora ispunjavati i opće uslove:

- da je državljanin Bosne i Hercegovine,
- da je stariji od 18 godina,
- da je zdravstveno sposoban za obavljanje poslova utvrđenih za oglašena radna mjesta,
- da u posljednje dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,

- da se na njega ne odnosi član IX 1. Ustava Bosne i Hercegovine.

d) Uz potpisanju prijavu, koja sadrži kraću biografiju, adresu i broj telefona, potrebno je priložiti:

- izvod iz Matične knjige rođenih ili ovjerenu fotokopiju lične karte,
- uvjerenje o državljanstvu
- svjedočanstvo o završenoj srednjoj školi,
- uvjerenje ili potvrdu o radnom stažu na istim ili sličnim poslovima,
- uvjerenje ili potvrda o poznavanju rada na računaru,
- uvjerenje ili potvrda da je kandidat u radnom odnosu na poslovima namještenika u organu državne službe na bilo kojem nivou vlasti u Tuzlanskom kantonu,
- ovjerena izjava kandidata da u posljednje dvije godine od objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- ovjerena izjava kandidata da se na njega ne odnosi član IX 1. Ustava Bosne i Hercegovine

Kandidati koji ispunjavaju opće i posebne uslove za navedeno radno mjesto, bit će pozvani na intervju.

Izabrani kandidat će biti dužan dostaviti ljekarsko uvjerenje o općoj zdravstvenoj sposobnosti za obavljanje oglašenog radnog mjesta (ne starije od tri mjeseca) nakon prijema.

NAPOMENA:

U skladu sa odredbom člana 72. stav 3. Zakona o državnoj službi u Tuzlanskom kantonu, pravo prijavljivanja na ovaj Interni oglas imaju namještenici organa državne službe svih nivoa vlasti u Tuzlanskom kantonu.

Sve tražene dokumente, uz prijavu na Interni oglas i uz navođenje telefonskog kontakt broja, dostaviti u originalu ili kopiji, u roku od osam dana od dana objavljivanja na oglasnim tablama navedenih organa, odnosno najkasnije do 10.02.2025. godine, neposredno ili putem preporučene pošiljke, na adresu: Kantonalno pravobranilaštvo Tuzla Aleja Alije Izetbegovića br.2, s naznakom: “ZA INTERNI OGLAS – ne otvarati”.

Interni oglas će biti objavljen na oglasnim tablama: Kantonalnog pravobranilaštva u Tuzli, svih ministarstava TK, Stručne službe TK, Ureda za zajedničke poslove kantonalnih organa TK, Kantonalnog suda u Tuzli, Kantonalnog tužilaštva u Tuzli, općinskih sudova na području TK, svih općina i gradova na području TK, kao i web. stranici Vlade TK.

Nepotpune i neblagovremene prijave se neće razmatrati.

Kantonalni pravobranilac

Fatima Alihodžić

***Bosna i Hercegovina
Federacija Bosne i Hercegovine
Tuzlanski kanton
Kantonalno pravobranilaštvo***

**Broj: Kp. 2/25
Tuzla, 28.01.2025. godine**

**URED ZA ZAJEDNIČKE POSLOVE
KANTONALNIH ORGANA TK**

n/r gospodina Samira Bilajca

PREDMET: Obavijest, dostavlja se

S obzirom da Kantonalno pravobranilaštvo u Tuzli nema službenu internet stranicu, u skladu sa odredbom člana 72. Zakona o državnoj službi u Tuzlanskom kantonu („Službene novine Tuzlanskog kantona“, broj: 7/17, 10/17, 10/18, 14/18, 8/21, 10/22 i 14/22), molimo da, na internet stranici Vlade Tuzlanskog kantona, postavite Interni oglas za prijem namještenika u radni odnos na neodređeno vrijeme u Kantonalnom pravobranilaštvu, koji Vam dostavljamo u prilogu ovog akta.

Molimo da Interni oglas bude postavljen počev od 29.01.2025. godine.

S poštovanjem,

Prilog: Interni oglas

Dostavljeno:
1 x naslovu
1 x u spis

Kantonalni pravobranilac
Fatima Alihodžić